

ego, sed et plus quam ego tandem adeptum esse. Hinc procedebat quod et loqui omnia et exonerare archanum meum, ac conscium te facere, etiam eorum que vix ego sciebam, iocundum michi erat, ac si cum Deo illa communicassem. Credebam etenim te presente omnia michi pro voto cessura; ita prorsus michi suaseram omnia fore Bernardum: et medicum et patronum, et solatium et refugium singulare, ad hec et studiorum consortem, et omnium circumstrepentium motuum propulsatorem futurum. Quid plura? Ego sepe multi feci Tervisium, ut nosti, multum amenitatis fingebam in illo: hinc montes, hinc planum, hinc gelidos fontes, illinc alia que possunt ad ornatum cuiusvis urbis accedere. Hec omnia vincebat arbitrio meo caritas tua, que effecit, ut verum fatear, quod posthabito natali solo grator esset michi habitatio illa.

Dices ad hec forsán, vel alius qui errorem tuum excusare voluerit, non ex proposito id tibi accidere, hunc morem inesse tibi, hunc rigorem ostendere erga tuos. Vis tibi verum dicam? Sepe ego his verbis excusavi te apud nonnullos reclamantes damnantesque mores tuos, nec credere volui aliis, quod nunc palpabiliter sentire profiteor. Et licet ex ratione virtutis hec omnia veniant deridenda, ut pote que nullius precii sunt ad sanum iudicium, iuvat tamen obloqui tecum, ut recognoscas errorem tuum, et in hoc saltem proficias, cum cognoveris in quem tam patenter deliqueris. Quod si forte oblitus es quisnam sim ego, et liceat meritum exprobare ingratís, dicam lesus sed invitus: ego sum qui quondam proprio honore postposito tuo consului, qui ne ignominiam patereris exposui me satis patenti discrimini contra decretum eorum qui de hac re forte melius et sanius videbant quam ego. Ille ego sum, inquam, qui onera tua, que turbine illo magna fuere et terribilia, mea feci, et certe non minus me premebant, quam te, qui latrantium telis me opposui sepe adeo, ut nonnulli frequenter me insanum existimarent. Denique ille sum, qui omnia tua et comoda et incomoda propria reputavi.

Cum igitur tam delusum tamque deceptum me sentiam, quid aliud facere possim non habeo, nisi suspiria ex alto trahere, et er-

³⁷ hinc]. *M. L.* huic. ³⁹ eorum] *Vi. M. L. om.* ⁴⁵ *M. L.* multas amenitates. *Vat.* fingebam. ⁴⁶ planum] *om. Vi.* ⁴⁷ *Vi.* mea. ⁴⁸ tua] *om. Vi.*
⁵⁷ *L.* alloqui. ⁵⁸ *Vi.* potenter. ⁵⁹ *Vi.* sum. ⁶¹ tuo] *Vat. om.* ne] *Vi*
M. L. te ne. ⁶³ sanius] *L.* scitius. ⁶⁴ *Vi.* illa.